

Олӧ-вылӧ Ёма...

Печора районса Бызӧвӧй грездын
овмӧдчӧма Ёма



А стӧчджыка кӧ, овмӧдчис Ёма этнокультура паркӧ, кодӧ Бызӧвӧй грезд-сяньыс километр ылнаын. Ёма, кызди ми ставӧн тӧдам, фольклорысь героиня, Ягалӧн чойыс

Легенда серти, Ёма чужӧма важӧн-важӧн Бызӧвӧйсянь неылын. Уна сӧ во сийӧ олӧма парма-вӧрын, пакӧститчӧма, тшака-сьысь-вотчысьясӧс торкӧма туй выв-сьыс. Мойдвывса баб сӧйны позьтӧм тшакъяссӧ пӧртӧма еджыд да гӧрд гобъя-сӧ, ыджыдалӧма поводдя да вӧрса пемӧсьяс вылын. Но пӧрысь пӧч мудзӧма нэмъяс чӧж пармаӧд шӧйтны да аслас юр сюянинтӧг овны, та вӧсна и сӧрнит-

чӧма этнопаркын уджалысьяскӧд — найӧ лӧптасны Ёмалы керка, а баб ас пайысь кутас котыртны да нуӧдны паркын гажъя-яс, ворсӧдны гӧститысь челядь-верстьӧӧс. Шуӧма — вӧчӧма!

Во сайын «Бызӧвӧй» этнокультура паркын уджалысьяс шедӧдисны керка лӧптӧм-стрӧитӧм вылӧ «Народной бюджетын» грант. Сьӧмсӧ проект збыль-

мөдөм выло вичмөдiс национальнöй политика министерство. Культура министерство гранта проект подулын жö сетiс сьом пу мыгөръяс вöчөдөм выло. Арнас Ёмалөн керка дорын «овмөдчисны» пармаса көзьяин Ош, полысь Кöч да ачыс Ёма.

Мойдысь пöч тшöкыда норасьö арлыд вылас, но ачыс зэв на современной. Ёма тшöкыда гижасьö аслас блогйын, пасйöдъяссö вöчалö «ВКонтактеын» joma_byzovaya лист бокын. Сэни сийö юксьö юөръясөн, казтылö томдырсö, висьтавлö гөсьтъяс йивсьыс.

Коми пöчöс тшöкыда сорлалöны роч Яга чойыскöд — та выло Бызöвöйысь баб ёна лöгалö. Ёмалөн да Ягалөн öткодлуныс уна, но торъялöмыс тырмö жö. Тэчас сертиыс Яга — вöснисъыс-вöсни, нималö кыдзи «Баба Яга-косяная нога», коми Ёмаöс фольклор гижöдъясын серпасалöны зэв кызөн, весиг пö кык улöс выло оз тöр. Роч мойдъясын Ягалысь синсö петкөдлöны лөгөн, Ёмалөн синмыс — гöна. Яга лэбалö гырйын, Ёма ас йивсьыс гижö, мый ветлөдлö сöмын гөлик отсөгөн, а ступаад матö 400 во нин абу пыравлöма, юрöй пö висьö-бергалö да. Мойдъяс серти, Яга ёртасьö Лешаккöд да отсасьö Горынычлы. Коми фольклор гижöдъясын Ёмаöс тшöкыдджыка петкөдлöны Вöрсалөн гöтырөн да куим юра Гундырлөн мамөн.

Бурöдны Бызöвöйысь пöчöс абу кокни, но этнопаркö воысьяслөн тайö век артмö. Медым пыравлыны Ёма керкаö, гөсьтъяс петкөдлöны повтöмлунсö да сюсьлунсö — найö збыльмөдöны баблысь быдсикас тшöктöмсö, тöдмалöны нöдкывъяссö.

Кöть фольклор героинялөн чужöмбаныс да паськöмыс мисьтöм, но ачыс зэв прамöй нин лои. Сийö веськыда донъялö смел да вежöра йöзöс, а дышöдчысьясöс содтöд уджöдö.

— Этнопаркин зильысьяс лöсьöдiсны меным бур оланiн, — сёрнитыштiс «Йöлöгакöд» Ёма. — Öни керка пытшкöсöс мичмөдiсны. Лöсьыд лои овнысö! Волöй гöсти, ворсыштам-вильшасъыштам! Ок, ёна жö ме тiянöс ворсöда!

Ирина Терентьева
Снимкъясыс Ёмалөн



Ёма тшöкыда гижасьö аслас блогйын, пасйöдъяссö вöчалö «ВКонтактеын» joma_byzovaya лист бокын

